

ՀՀ Շիրակի մարզի ընդհանուր իրավասության առաջին աստիճանի
դատարանի դատավոր Հ. Մովսիսյանին

Դիմող՝ թիվ ՇԴ/0072/01/15 քրեական գործով տուժողի իրավահաջորդ՝
Անդրանիկ Պողոսյանի ներկայացուցիչ՝
Արայիկ Միքայելի Զալյան
Հասցե՝ ՀՀ, ք. Վանաձոր, Տիգրան Մեծի 59

Հարգելի դատարան,

2016թ. փետրվարի 26-ին սույն գործով տեղի ունեցած դատական նիստի ընթացքում
ցուցմունք տված վկաները պնդեցին, որ Վ. Պերմյակովի ձերբակալման օրը, Վ. Պերմյակովին
ճանաչման գործողություններին, այնուհետև ՌԴ սահմանապահ զորքեր տեղափոխման
գործընթացին մասնակցել և ներկա են գտնվել ՀՀ ոստիկանության թվով վեց
աշխատակիցներ: Վկայակոչված ոստիկանության աշխատակիցների անուն ազգանունները
ճշտելու և այնուհետև դատարան հրավիրելու համար, դեռևս 05.03.2016թ. ներկայացրել եմ
գրություն ՀՀ ոստիկանություն:

15.03.2016թ. ՀՀ ոստիկանության կողմից ստացված պատասխան գրությամբ մերժվել է
պահանջվող տեղեկատվության տրամադրումը, որն էլ անհնարին է դարձնում ներկայիս
ներկայացվող միջնորդությամբ կոնկրետ անձանց անուն-ազգանուն նշելու հանգամանքը:

Ելնելով վերոգրյալից և հիմք ընդունելով այն հանգամանքը, որ Վ. Պերմյակովի
ճանաչման գործողություններին և այնուհետև ՌԴ սահմանապահ զորքեր տեղափոխման
գործընթացին մասնակցած ՀՀ ոստիկանության աշխատակիցները տիրապետում են տվյալ
գործողությունների արդյունքում պարզ դարձած որոշակի տեղեկություններ:

ՄԻՋՆՈՐԴՈՒՄ ԵՄ՝

ՀՀ ոստիկանությունից պարզել, թե ովքեր են Վ. Պերմյակովի ձերբակալման օրը,
վերջինիս հետ ճանաչման գործողություններին, այնուհետև ՌԴ սահմանապահ զորքեր
տեղափոխման գործընթացին մասնակցած և ներկա գտնված ՀՀ ոստիկանության
աշխատակիցների անուն-ազգանունները և զբաղեցրած պաշտոնները և հրավիրել որպես
վկա հարցաքննության:

Կից ներկայացնում եմ՝ 15.03.2016թ. ՀՀ ոստիկանության թիվ 584 պատասխան
գրությունը:

Դիմող՝



Ա. Զալյան

06.05.2016թ.